

www.BibleForChildren.org

MATEO 8



Chai ixlhilakat'utu avilhchan ixtailhi'anta. Acsnich ju alilhch tamak'axt'ok'at ju lak'achak'an Caná laxa'estado Galilea. Anchach ju ixvilhcha ju ixnati ju Jesús. Chai vachu' alact'at'asanicalh ju Jesús ju ix'amamaka'ui junta tamak'axtokcalhch.



Acsni c'acxtaya ju vino pus ju ixnati ju Jesús chanich
juni ju ists'alh: –Matich ju vino. Pus ju ixnati chanich
ajuni ju ixtamakch'alhcatnan anch: –Anaviniya'it'itch
tachi chun ju catajunanch ju yuchi.



Ju Jesús chanich alacjuni: –Alakts'amat'itch
ju xcan ju ani lacvi akchoko. Chai ju
xalapanacni tanavilh ju alhijunicalh. Pus
lana ajunchokolh ju Jesús:
–Amac'ut'uch'ok'ot'itch ju xcan.

Alhip'inichit'itch ju t'ajun xtakna'
ju vaiti. Chai taquixtaknilh.



Pus ju anuch ixt'ajun xtakna' ju vaiti acsni quilhc'atsalh
ju anu' xcan ju tapala vino canch lhiula. Para jantu
isc'atsai ta'anchach ju
lhimincanacha. Va yu'unch
ju ixtac'atsai ju
ixtamakch'alhcatnanch
anch ni yu'unchach ju
ixtamacutui ju xcan.



Pus ju anu' ixt'ajun xtakna' ju vaiti lhinaulh ist'asanica ju
anu' ts'alh ju tamak'axtoklh. Chanich juni: –Tachi chun
ju jok'atni p'ulhnan
cataxt'ak'a' ju k'ox vino.
Chai acsni lhilacanch
cataxt'ak'ach ju palai
jantuch can. Para ju
uxint'i mak'at'a ju
k'ox vino
tus chavai.



Ju ani lhamak'an navilh ju Jesús ju lak'achak'an
Caná ju laxa'estado Galilea. Yuchach
ju p'ulhnan lhamak'an
ju navilh ju Jesús.




Chunchach ju apumalacasunilh ju lapanacni ju
ixtachaput. Pus acsnich ju palai
talhilaca'alh ju Jesús ju
anuch ix'amamaka'ui.



Ju aktam ju Jesús alh la'ixchaka' ju
Pitalu' chai acsni chilh pus lakts'ilh ju
ixput'ichako'ulh ju Pitalu' ni ixma
la'ixputaman. Na ixch'apata ju iscacat.



Pus ju Jesús quimacch'apalh chai lana macaulh ju
iscacat ju tak'ank'an. Chai ju yuchi k'ostavi chai lana
tsuculh alacmavana' ju Jesús chai ju ix'amamaka'ui.



Chai acsni tok'oxalhch lacats'unin acsni ancha ju
avilhchan pus tachi chun ju tak'ank'anin alhimincalh
junta ixvi ju Jesús.
Vachu' alhimincalh
tachi chun ju ixtanun
ju lhacaticuru
la'ixlacatuna'an.
Pus tachi chun
ju lapanacni
tatak'aixtoktayak'o
laxamalhtich ju
ixchaka' ju Simón.




Chai ju Jesús na Ihu palaich anavi ju tak'ank'anin mas na tijlhu tak'ank'at ixtapacxanta. Vachu' ak'ailh ju lhacaticurulhni. Ajunilh ni catataxtulh la'ixlacatuna'an Ihu ju lapanacni. Chai tataxtulh.



Para ju Jesús jantu xa'alacasq'uini ni catachivinih ju lhacaticurulhni va ixlacata ni istamispai ju Jesús. Chai ju yuchi va jantu ixlacasq'uin ni catajunih ju lapanacni tichi chavaich ju yuchi.



Pus na Ihu lana ixjunita ju tak'ank'anin chai tachi chun
ju yu'unch ixtalacach'apaputun ju Jesús ni ix'alin ju
ixtachaput chai palai ixtapujun ju church.



Pus lhimincancha pumatam tak'ank'an ju va
ixlacialhtuculunta. Ixhipumat'at'i'an lapanacni
tach'ixlhicha'alh ju lacachaka' junta ixvi ju Jesús.



Para jantu jinta' talhitaju junta laich
catapumanu lacachaka' junta
ixvi ju Jesús ni na
is'aktsamcanta.



Pus tatoc'alh la'ix'ucxni chaka' chai
ta'ucxmak'alh junta ixlhivi ju Jesús.
Chai anch ju tapumak'alhtaju
lacialona ju anu'
tak'ank'an.



Chai ju Jesús ni c'atsa ni na ixtalhilaca'anta ju
yuchi ju anuch ixpumat'at'i'an
lapanacni pus junich ju
tak'ank'an: –Quints'alh
mac'acxanik'ocantach
ju mintalak'alhin.
–Uxint'i ju icjunan.
Ak'ost'a'ulh. Asact'ich
ju mimputaman.
A'inchich ju
laminchaka'.




Pus ju acsnich ju Jesús tajulh lacabarco chai ju
ixtamamaka'un vachu' tat'ataju. Chai
acsni ta'alhtanalh lacats'unin pus
k'ostaya ju k'ai un chai na p'as
tanek'alh ju xcan. Chai na
ixquitanui ju lacabarco.
Pus ju barco
ixqui'akpaxputunch.
Para ju Jesús na
ilhtatai.



Para ju Jesús chani ak'alhtailh: –Tajuch ni va
t'alhananat'it. Ju uxijnan na lacats'unin quilalhilaksiyau.
Chai acsni nonk'o chunch pus ju Jesús k'ostavi chai
k'ailh ju un chai ju xcan. Chai lana sek avanalh
chai jantu lucunulh ju xcan. Chai
ju ixlapanacni lana na
talhamak'aninilh.
Talaclajuni: –Tis
lapanac nu' ju ani ni lai
xataquiclaca'i ju un

chai ju xcan.



Ju Dios chunchach
ju apumapaini ju lapanacni ju ani
lacamunutpa' ni quilhitap'uxlh ju quit'in
ju lakatami ists'alh icjunita. Ju chunch
tachi chun ju aquintalhilaca'anach
jantu cats'ank'aya'. Alin
is'atsucunti'an ju
conk'alhiyanta
lact'iyan.



ROMA 3:23 Chux ju quiinnan'an ju lapanacni juntau
alactu'ununtauch. Jantu xamati' ju vasalh soknic'a cava
tachi ju lhcatlach ju Dios.

ROMA 6:23 Ju ixlhimapalhcan ju alactu'unti yuchi ni ancan
junta jonk'alhita mak'alhk'ajnat. Para ju ixlhak'ailakts'inch ju
Dios yuchi ni alinch ju qui'atsucunti'an ju conk'alhiyanta ju
lact'iyan va ixlacata ni va lakatam t'ajuntau ju qui'ucxtin'an
Jesucristo.

JU ISRAELITANIN 9:27 Pus ju Dios lhca'ulata ni va
paktamch ju tani ju lapanacni chai astan
ca'amak'osaspitcanach.



EFESO 2:8,9 Tak'alhtaxtutauch lacamak'alhk'ajnat junta jonk'alhita va ixlaca'atalh ni quinta'aktaijutanch ju Dios laca'amapaininti acsni lhilaca'antauch ju Cristo. Para jantiyu' quintalhinavinitan church va ixlaca'atalh ni navitau tu'u'. Alai va quintalhik'ailakts'intan ju Dios ju ix'amapaininti. Jantu lai putak'alhtaxtuyau va ixlaca'atalh ni canaviuch ju k'ox. Ni lai church cava ixputak'alhtaxtu pus ca laich ixtalhitak'aya ju ali'in ni ixtac'atsa ni laich ixtatak'alhtaxtulh va la'is'akstu'an.

ROMA 10:9,10 Pus ni anona' ni yuchi ju mi'ucxtin ju Jesús chai ni alac'a'iya' ju lami'ahunut ni Dios ju macxtuchokolh ju Jesús acsni ixmacnucanta pus at'ak'alht'axt'uya' chai jantu at'ip'it'i ju lacajipi. Ni xamati' lhilaca'an ju Cristo la'ix'ahunut pus lakts'incan ni salaka ju ix'ahunut la'ixmacni Dios. Chai ni najun ni lhilaca'anch ju Cristo pus tak'alhtaxtutach chai jantu cati'alh ju lacajipi.



XIVAN 3:16,17 –Ju Dios chunchach ju apumapaini ju lapanacni ju ani lacamunutpa' ni quilhitap'uxlh ju quit'in ju lakatami ists'alh icjunita. Ju chunch tachi chun ju aquintalhilaca'anach jantu cats'ank'aya'. Alin is'atsucunti'an ju conk'alhiyanta lact'iyan. Ju Dios jantiyu' quilhimacamilh ju ani lacamunutpa' ni va ac'ulanilh ixtalak'alhin'an ju lapanacni. Para alai va quilhimacamilh ni laquimacni cataputak'alhtaxtuyach ju lapanacni.



1 XIVAN 5:11-13 Pus chani najun ju Dios: “Ma quintaxtaknitan ju qui'atsucunti'an ju conk'alhiyanta tus lact'iyan. Chai ju ani atsucunti ma quintaxtaknitan acsni lhilaca'antauch ju ists'alh”. Ma chunch najun ju Dios. Pus ju ixlhichux ix'alhunut maklaca'anita ju ists'alh Dios alin ju is'atsucunti ju conk'alhiyanta lact'iyan. Para ju jantu ixlhichux ix'alhunut maklaca'anita ju ists'alh Dios pus mati' ju is'atsucunti ju ca'ixjonk'alhicha ju lact'iyan. Pus ju ani taxtokni icla'ats'oknuniu ju uxijnan ju maklac'ap'init'at'it ju ists'alh Dios. Chai yuchi iclalhi'ats'oknuniu ni ap'uc'ats'aya'it'it ni alin ju mi'atsucunti'an ju conk'alhiyanta ju lact'iyan.



MATEO 8-9; MARCOS 1-2, 4; LUCAS 4, 8;
XIVAN 2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: E. Frischbutter; Sarah S.

Tepehua Huehuetla NT (tee) © 1976, Wycliffe Bible
Translators, Inc. All rights reserved.

<https://live.bible.is/bible/TEETBL/MAT/1>

©2025 Bible for Children, Inc.

www.M1914.org

www.bibleforchildren.org

